

四庫全書

集部

欽定四庫全書

漢魏六朝百三家集卷三十一

魏劉楨集題詞

魯國孔文舉廣陵陳孔璋山陽王仲宣北海徐  
偉長陳留阮元瑜汝南應德璉東平劉公幹魏  
文所稱文人七子也文帝云劉楨章表書記壯  
而不密又稱其五言詩妙絕當時今公幹書記  
傳者甚少知其物化以後遺失多矣集詩大悉

五言詩品亦云其源出古詩思王而下楨稱獨  
步豈緣本魏文為之申譽乎近日詩選痛貶建  
安亦度已迹削他人足耳未若南皮觴酌公燕  
贈答當時得失相知者深也劉公幹贈五官中  
郎將詩有云昔我從元后整駕至南鄉過彼豐  
沛都與君共翱翔王仲宣從軍詩亦云籌策運  
帷幄一由我聖君嚴滄浪黜之謂元后聖君並  
指曹操心敢無漢大義批引二子固當叩頭伏

罪然詩頌鋪張詞每過實文人之言豈必盡由  
中情哉公幹平視甄夫人操收治罪文帝獨不  
見怒死後致思悲傷絕絃中心好之弗聞其過  
也其知公幹誠猶鍾期伯牙云

目錄

賦

魯都賦

大暑賦

遂志賦

黎陽山賦

瓜賦

有序

清慮賦

書

諫平原侯植書

又

答太子書

天

碑

處士國丈甫碑

詩

公讌詩

贈五官中郎將

其一

其二

其三

其四

贈徐幹

贈從弟

其一

其二

其三

襟詩

鬪雞

射鳶

失題

其一

其二



漢魏六朝百三家集卷三十一目錄

欽定四庫全書

漢魏六朝百三家集卷三十一

明 張溥 輯

魏劉楨集

賦

魯都賦

昔大廷氏肇建厥居少昊受命亦都茲焉山則連岡屬  
嶺嶺魁峽北紫金揚暉於鴻崖水精潛光乎雲穴岱宗

邀其層秀干氣霧以高越其木則赤棲青松文莖蕙棠  
洪幹百圍高徑穹皇竹則填彼山陔根彌阪域蒙雪含  
霜不渝其色夏蕩攢包勁篠並殖翠實離離鳳皇攸食  
水產衆夥各有異倫頌首華尾豐顙重斷戴兵挾刃盤  
甲曲鱗且觀其時謝節移和族綏宗招歡合好肅戎友  
朋蛾眉清眸顏若雪霜挿曜日之珍筭珥明月之珠璫  
舞人就列整飾容華和顏揚眸眄風長歌飄乎森發身  
如轉波尋虛騁迹顧與節和縱修袖以終曲若奔星之

赴河及其素秋二七天漢指隅民胥被袂國於水遊緹  
帷彌津丹帳覆洲蓋如飛鶴馬如遊魚應門巖巖朱扉  
含光路殿歸其隆崇大陸獻其高驤聽迅雷於長除若  
有聞而復亡其園囿苑沼駢田接連淶池分浪以帶石  
垠文隅瓊岸華玉依津邦乃大狩振揚武威教民即戎  
講習興師絡幕包括連結營圍毛羣隕殪羽族殲剥填  
埒塞畎不可勝錄

大暑賦

其為暑也羲和總駕發扶木太陽為輿達炎燭靈威參  
垂步朱轂赫赫炎炎烈烈暉暉若熾燎之附體又溫泉  
而沈肌獸喘氣於玄景鳥戢翼於高危農畷捉縛而去  
疇織女釋杼而下機溫風至而增熱歊悒悒而無依披  
衿領而長嘯冀微風之來思

遂志賦

幸遇明后因志東傾披此豐草乃命小生生之小矣何  
茲云當牧馬於路役車低昂愴悵惻切我獨西行去峻

溪之鴻洞觀日景於朝陽釋叢棘之餘刺踐檟林之柔  
芳皦玉粲以耀日榮日華以舒光信此山之多靈何神  
分之煌煌聊且遊觀周歷高岑仰攀高枝側身遺陰磷  
磷礧礧以廣其心伊天皇之樹葉必結根於仁方捐吳  
夷於東隅掣畔臣乎南荆戢干戈於內庫我馬繫而不  
行揚洪恩於無涯聽頌聲之洋洋四寓漠以無為玄道  
穆以普將翼僞人於上列退仄陋於下場襲初服之蕪  
蕪託蓬蘆以遊翔豈放言而云爾乃旦夕之可忘

黎陽山賦

自魏都而南邁迄洪川以竭休想王旅之旌旄望南路  
之遐修御輕駕而西徂過舊塢之高區爾乃踰峻嶺超  
連岡一登九息遂臻其陽南蔭黃河左覆金城青壇承  
祀高碑頌靈珍木駢羅奮華揚榮雲興風起蕭瑟清冷  
延首南望顧瞻舊鄉桑梓增敬慄切懷傷河源汨其東  
逝陽鳥飄而南翔觀衆物之集華遐欣欣而樂康

瓜賦

有序

在曹植坐厨人進瓜植命為賦促立成其辭曰

布象牙之席薰玳瑁之筵憑彤玉之几酌縹碧之樽三星在隅溫風節暮枕翹於藤流美遠布黃花炳曄潛實獨著豐細異形圓方殊務揚暉發藻九采襍糅厥初作苦終然允甘應時湫熟含蘭吐芳藍皮密理素肌丹瓢乃命圃師貢其最良投諸清流一浮一藏析以金刀四剖三離承之以雕盤羃之以織絺甘逾蜜房冷亞冰圭

清慮賦



金少卿公集卷之二十一  
結東阿之扶桑接西雷乎燭龍上青巖之山蹈琳珉之  
塗玉樹翠葉上栖金烏

書

諫平原侯植書

家丞邢顗北土之彥少秉高節玄靜澹泊言少理多真  
雅士也楨誠不足同貫斯人並列左右而楨禮遇殊特  
顗反疏簡私懼觀者將謂君侯習近不肖禮賢不足採  
庶子之春華忘家丞之秋實為上招謗其罪不小以此

反側

又

明使君始垂哀憐意春日崇譬之疾病乃使災農分藥  
岐伯下鍼疾雖未除就沒無恨何者以其天鑒至神而  
榮魄自盡也

答太子書

太子初賜楨靡落帶其後師友欲借取以為  
像因書囑楨楨答之楨辭指巧妙皆如是

楨聞荆山之璞曜元后之寶隋侯之珠燭衆士之好南

垠之金登窈窕之首翬貂之尾綴侍臣之幘此四寶者  
伏朽石之下潛污泥之中而揚光千載之上發彩疇昔  
之外亦皆未能初自接於至尊也夫尊者所服卑者所  
修也貴者所御賤者所先也故夏屋初成而大匠先立  
其下嘉禾始熟而農夫先嘗其粒恨楨所帶無他妙飾  
若實殊異尚可納也

衆士一作衆女

入

肅以素秋則落

碑

處士國文甫碑

先生執乾靈之貞潔稟神祇之正性咳笑則孝弟之端  
著匍匐則清節之兆見齟齬以及成人體無懈容口無  
愆辭兢兢業業小人畏忌勤讓同儔敬事長老雖周之  
樂正子春漢之江都董相其飭躬力行無以尚之是以  
長安師其仁朋友欽其義閭門稱其慈宗屬懷其惠既  
乃潛心窮巖游心載籍薄世名也初海內之亂不視膳

羞十有餘年憂心泣血不勝其哀形銷氣竭以建安十  
七年四月卒于時龍德逸民黃髮實叟綴文通儒有方  
彥士莫不拊心長號如喪同生成以為誄所以昭行也  
銘所以旌德也古之君子既沒而令問不忘者由斯二  
者也銘曰

懿矣先生天授德度外清內白如玉之素逍遙九皋方  
回是慕不計治萃名與殊路知我者希韞櫝未酤喪過  
乎哀遘疾不悟早世永顏違此榮祚咨爾末徒聿修歡故

詩

公讌詩

永日行遊戲歡樂猶未央  
遺思在玄夜相與復翱翔  
輦車飛素蓋從者盈路傍  
月出照園中珍木鬱蒼蒼  
清川過石渠流波為魚防  
芙蓉散其華菡萏溢金塘  
靈鳥宿水裔仁獸遊飛梁  
華館寄流波豁達來風涼  
生平未始聞歌之安能詳  
投翰長嘆息綺麗不可忘

贈五官中郎將

其一

昔我從元后整駕出南鄉過彼豐沛都與君共翱翔四  
節相推斥季冬風且涼衆賓會廣坐明鐙熺炎光清歌  
製妙聲萬舞在中堂金罍含甘醴羽觴行無方長夜忘  
歸來聊且為太康四牡向路馳歡悅誠未央

其二

余嬰沈痼疾竄身清漳濱自夏涉玄冬彌曠十餘旬常  
恐游岱宗不復見古人所親一何篤步趾慰我身清談

同日月情盼敘憂勤便復為別辭游車歸西隣素葉隨  
風起廣路揚埃塵逝者如流水哀此遂離分追問何時  
會要我以陽春望慕結不解貽爾新詩文勉哉修令德  
北面自寵珍

其三

秋日多悲懷感慨以長嘆終夜不遑寐敘意於濡翰明  
燈曜閨中清風淒已寒白露塗前庭應門重其關四節  
相推斥歲月忽欲殫壯士遠出征戎事將獨難涕泣灑



衣裳能不懷所歡

其四

涼風吹沙礫霜氣何皚皚  
明月照緹幕華燈散炎輝  
賦詩連篇章極夜不知歸  
君侯多壯思文雅縱橫飛  
小臣信頑鹵僂安能追

贈徐幹

是時徐在西掖劉在禁省故有此詩

誰謂相去遠隔此西掖垣  
拘限清切禁中情無由宣思  
子沈心曲長嘆不能言  
起坐失次第日三四遷步出

北寺門遙望西苑園細柳夾道生方塘含清源輕葉隨  
風轉飛鳥何翻翻乖人易感動涕下與衿連仰視白日  
光皦皦高且懸兼燭八紘內物類無頗偏我獨抱深感  
不得與此焉

贈從弟三首

其一

汎汎東流水磷磷水中石蘋藻生其涯華葉紛擾溺采  
之薦宗廟可以羞嘉客豈無園中葵懿此出深澤

其二

亭亭山上松  
瑟瑟谷中風  
風聲一何盛  
松枝一何勁  
冰霜正慘淒  
終歲常端正  
豈不罹凝寒  
松柏有本性

其三

鳳皇集南岳  
徘徊孤竹根  
於心有不厭  
奮翅凌紫氛  
豈不常勤苦  
羞與黃雀羣  
何時當來儀  
將須聖明君

雜詩

職事

相一作煩

填委文墨  
紛消散馳  
翰未暇食  
日昃不知

晏沈迷簿領書回回自昏亂釋此出西城登高且游觀  
方塘含白水中有鳬與雁安得肅肅羽從爾浮波瀾

鬪雞

丹雞被華采雙距如鋒芒願一揚炎威會戰此中唐利  
爪探玉除瞋目舍火光長翹驚風起勁翮正數張輕舉  
奮勾喙電擊復還翔

射鳶

鳴鳶弄雙翼飄飄薄青雲我后橫怒起意氣凌神仙發

機如驚森三發兩鳶連流血灑墻屋飛毛從風旋庶士  
同聲贊君射一何妍

失題

其一

昔君錯哇時東土有素木條柯不盈尋一尺再三曲隱  
生真翳林倥偬自迫束得託芳蘭苑列植高山足

後闕

其二

青青女蘿草上依高松枝幸蒙庇養恩分惠不可噴風

雨雖急疾根株不傾移

後闕

欽定四庫全書

詩經卷三十一

漢魏六朝百三家集卷三十一

欽定四庫全書

漢魏六朝百三家集卷三十二

魏應瑒應璩集題詞

德璉集鮮書記世所傳者止報龐公一牘耳休  
璉書最多俱秀絕時表列諸辭令之科陳孟公  
王景興其人也德璉善賦篇目頗多取方弟書  
文藻不敵詩雖比肩亦覺百一為長休璉火攻  
良可畏也魏祖二十二年徐陳應劉一時俱逝



曹子桓輒申痛惜德璉周旋時主年位較遠規  
諷曹爽殷勤指諭憂患存焉汝南應氏世濟文  
雅德璉幸遇子桓時可著書忽化蒿萊美志不  
遂休璉歷事二主喉舌可舒而世無賞音義存  
優孟嗟乎命也機雲著聲入洛載協齊名王府  
原其風流二應為始低回建章仰送朝鴈予猶  
善其足傳爾

目錄

賦

慾驥賦

迷迭賦

靈河賦

正情賦

征賦

馳射賦

鸚鵡賦

愁霖賦

西狩賦

車渠椀賦

楊柳賦

書

報龐惠恭書

論

文質論

雜文

奕勢

檄文

詩

報趙淑麗

公讌

侍五官中郎將建章臺集詩

別詩

其一

其二

鬪鷄

漢魏六朝百三家集卷三十二目錄

欽定四庫全書

漢魏六朝百三家集卷三十二

明 張溥 輯

魏應瑒集

賦

愍驥賦

愍良驥之不遇兮何屯否之弘多  
抱天飛之神號兮悲當世之莫知  
赴玄谷之漸塗兮陟高岡之峻崖  
懼僕夫

之嚴策兮載悚慄而奔馳懷殊姿而困遇兮願遠跡而  
自舒思奮行而驤首兮叩繯縶之紛拏牽繁轡而增制  
兮心惴結而盤紆涉通達而方舉兮迫輿僕之我拘抱精  
誠而不暢兮鬱神足而不攄思篩翁於西土兮望伯氏  
於東隅願浮軒於千里兮曜華輶乎天衢瞻前軌而促  
節兮顧後乘而踟躕展心力於知己兮甘邁遠而亡劬  
哀二詰之殊世兮時不邁乎良造制銜轡於常御兮安  
獲騁於遐道

迷迭賦

列中堂之嚴宇跨階序而駢羅建茂莖以竦立擢脩幹  
而承阿燭白日之炎陰承翠碧之繁柯朝敷條以誕節  
夕結秀而垂華振纖枝之翠粲動綵葉之萋萋舒芳香  
之酷烈乘清風以徘徊

靈河賦

咨靈川之遐源兮于崑崙之神丘凌增城之陰隅兮賴  
后土之潛流衝種石之重險兮披山麓之溢浮蹶龍門



而南邁兮紆鴻體而東流涉津洛之坂泉播九道之中  
洲紛瀕湧而騰驚兮恒疊疊而徂征肇乘高而迅逝兮  
陽侯沛而震驚有漢中葉兮金隄隕而瓠子傾興萬乘  
而親務兮董羣后而來營下淇園之豐篠兮投璧玉而  
沈星若夫長杉峻櫓茂枯芬樞扶疏灌列暎水蔭防隆  
條動而暢清風白日顯而曜殊光

正情賦

夫何媛女之殊麗兮姿溫惠而明哲應靈和以挺質體

蘭茂而瓊潔方往載其鮮雙睢來今而無列發朝陽之  
鴻暉流精睇而傾泄既榮麗而冠時援申女而比節余  
心嘉夫淑美願結歡而靡因承窈窕之芳美情踴躍乎  
若人魂翩翩而久遊甘同夢而交神晝彷徨於路側宵  
耿耿而達晨清風厲於玄序涼飈逝於中唐聽雲鴈之  
翰鳴察列宿之華輝南星晃而電隕偏雄肅而特飛冀  
騰言以俯音嗟激迅而難追傷佳禽之無偶悼流光之  
不歸愍伏辰之方逝哀吾願之多違步便旋以永思情

慘慄而傷悲還幽室以假寐固展轉而不安神渺渺以  
潛翔恒存遊乎所觀仰崇夏而長息動哀響而餘歎氣  
浮踴而雲館腸一夕而九煩

征賦

奮皇佐之豐烈將親戎乎幽鄰飛龍旂以雲帷披廣路  
而北巡崇殿鬱其嗟峨華宇爛而舒光摘雲藻之雕飾  
流輝采之渾黃辭曰

烈烈征師尋遐庭兮悠悠萬里臨長城兮周覽郡邑

思既盈兮嘉想前哲遺風聲兮

馳射賦

於是陽春嘉日講肄餘暇將逍遙於郊埜聊娛遊於騁  
射延賓鞠旅星言夙駕樹應韓於路左建丹旂於表路  
羣駿籠于衡首咸皆駿褭與飛兔爾乃結翻伍齊倫匹  
良樂授馬孫臆調馭籌筭克明班次均一左攬繁弱右  
接湛衛控滿流睇應弦飛碎旒動鼓震譟聲雷潰重破  
累礮流景倏忽紛紜絡驛次授二八驂駟激騁神足奔

越終節三驅矢不虛發進截飛鳥顧摧月支須紆六鈞  
口彎七規觀者屏氣而傾竦咸側企而騰移爾乃縈回  
盤厲按節和旋翩翩神厲體若飛仙奕奕駢牡既佶且  
閑揚驪沛艾蠖略相連

鸚鵡賦

何翩翩之麗鳥表衆艷之殊色被光耀之鮮羽流玄黃  
之華飾苞明哲之弘慮從陰陽之消息秋風厲而潛形  
蒼神發而動翼

愁霖賦

聽屯雷之恒音兮聞左右之歎聲情慘憤而含欷兮起披衣而游庭三辰幽而重闕蒼曜隱而無形雲曖曖而周馳雨濛濛而霧零排房帳而北入振蓋服之沾衣還空牀而寢息夢白日之餘暉惕中寤而不效兮意悽悵而增悲

西狩賦

伊炎漢之建安飛龍耀乎天衢皇宰逸而陶運樹匡翼

而大摹盪無妄之氛穢揚威靈乎八區開九土之舊迹暨  
聲教於海隅皆霜淒而淹墊寒風肅而川逝草木紛而  
搖蕩鷺鳥別而高厲既乃揀吉日練嘉辰清風矢戒屏  
翳收塵於是魏公乃乘彫輅駟飛黃擁簫鉦建九旂按  
轡清途颯沓風翔於是圍網周合雷鼓天震千乘長羅  
萬表星陳雙翼伉旌八校祖分長燧電舉高煙蔽雲爾  
乃徒輿並興方軌連質驚飈四駭衝禽驚盪騁獸塞壘  
飛鳥蔽日爾乃赴玄谷陵宗巒俯掣手奔猴仰捷飛猿

雲幕被於廣堦，京燎照乎平原。醴魚克給，洪施普宣。

車渠椀賦

惟茲椀之珍瑋，誕靈岳而竒生。扇不周之芳烈，浸瓊露以潤形。蔭碧條以納曜，喻朝霞而發榮。紛玄黃以彤裔，曄豹變而龍華。象蛇虹之輔體，中含曜乎雲波。若其衆色鱗聚，卓度詭常。綢緼襍錯，乍圓乍方。蔚術繁興，散列成章。揚丹流縹，碧玉飛黃。華氣承朗，內外齊光。

楊柳賦



赴陽春之和節植纖柳以承涼攄豐節而廣布紛鬱勃  
以敷陽三春脩其奄過景日赫其垂光振橫條而遠翳  
迴雲蓋於中唐

書

報龐惠恭書

夫蕭艾之歌發於信宿子衿之思起於一作寧不嗣音况實

三載能不有懷雖萱草樹背皋蘇在側悒憤不逞祇  
以增毒朝隱之官賓不往來喬木之下曠無休息抱勞

而已足下剖符南面振威千里行人子羽朝夕相繼曾  
不枉咫尺之路問蓬室之舊過意賜書辭不半紙慰藉  
輕於縉緇譏望重於丘山是角弓之詩所以為刺也植  
驚羽於宛丘騁駿足於株林發明月之輝光照妖人之  
窈窕斯亦所以眩耳目之視聽亡聲命於知友者也

論

文質論

蓋皇穹肇載陰陽初分日月運其光列宿耀其文百穀

麗於土芳華茂於春是以聖人合德天地稟氣淳靈仰  
觀象於玄表俯察式於羣形窮神知化萬物是經故否  
泰易趨道無攸一二政代序有文有質若乃陶唐建國  
成周革命九官咸乂濟濟休令火龍黼黻曄曄於廊廟  
袞冕旂旒舄奕乎朝廷冠德百王莫叅其政是以仲尼  
嘆煥乎之文從郁郁之盛也夫質者端一玄靜儉嗇潛  
化利用承清泰御平業循軌量守成法至乎應天順民  
撥亂夷世搞藻奮權赫奕丕烈紀禪協律禮儀煥別覽

墳丘於皇代建不刊之洪制顯宣尼之典教探微言之  
所弊若乃和氏之明璧輕穀之袿裳必將遊玩於左右  
振飾於宮房豈爭牢偽之勢金布之剛乎且少言辭  
者孟僖所以答郊勞也寡智見者慶氏所以困相鼠  
也今子棄五典之文間禮義之大信管望之小尋老氏  
之蔽所謂循規常越未能釋連環之結也且高帝龍  
飛豐沛虎據秦楚唯德是建唯賢是與陸鄴搞其文辨  
良平奮其權謂蕭何創其章律叔孫定其庠序周

樊展其忠教韓彭列其威武明達天下者非一士之術  
營造宮廟者非一匠之矩也逮至高后亂德損我宗劉  
朱虛軫其慮辟疆釋其憂曲逆規其模鄒友詐其遊襲  
據北軍實賴其疇冢嗣之不替實四老之由也夫諫則  
無議以陳問則服汗沾濡豈若陳平敏對叔孫據書言  
辨國典辭定皇居然後知質者之不足文者之有餘

雜文

奕勢

蓋棊奕之制所由來尚矣有像軍戎戰陣之紀旌旂既  
列權慮蜂起駱驛雨集魚鱗雁峙奮維闔翼固衛邊鄙  
或飾遁偽旋卓轆駟列羸師延敵一乘虛絕歸不得合  
兩見擒滅淮陰之謨拔旗之勢也或匡設無常尋變應  
危寇動北壘備在南麾中棊既捷四表自虧亞夫之智  
耿弇之奇也或假道四布周爰繁昌雲合星羅侵偏郊  
場師弱衆寡臨據孤方披掃強禦廣略土疆昆陽之威  
官渡之方也挑誘既戰見欺敵對紛拏相救不量進退

羣聚俱殞力行唐突瞋目志憤覆局崩潰項將之咎  
楚懷之悖也時或失謬取奔攝北還自保固完聚補塞  
見可而進先負後尅燕昭之賢齊頃之德也長驅馳逐  
見利忘害輕敵寡備所喪彌大臨疑猶豫籌慮不詳苟  
貪少獲不知所亡當斷不斷還為所謀項羽之失吳王  
之尤也持棊相守莫敢先動由楚漢之兵相拒索輦也

檄文

長戟百萬胡馬千羣

詩

報趙淑麗

朝雲不歸久結成陰離羣猶宿永思長吟有鳥孤棲哀  
鳴北林嗟我懷矣感物傷心

公讌

巍巍主人德佳會被四方開館延羣士置酒于斯堂辨  
論釋鬱結援筆興文章穆穆衆君子好合同安康促坐  
褰重帷傳滿騰羽觴



侍五官中郎將建章臺集詩

公子以下  
疑別一首

朝鴈鳴雲中音響一何哀問子游何鄉戢翼正徘徊言  
我塞門來將就衡陽棲往來翔北土今冬客南淮遠行  
蒙霜雪毛羽日摧頽常恐傷肌骨身隕沈黃泥簡珠墮  
沙石何能中自諧欲因雲雨會濯翼陵高梯良過不可  
值伸眉路何階公子敬愛客樂飲不知疲和顏既已暢  
乃肯顧細微贈詩見存慰小子非所宜且為極歡情不  
醉其無歸凡百敬爾位以副飢渴懷

別詩二首

朝雲浮四海日暮歸故山行役懷舊土悲思不能言  
悠悠涉千里未知何時旋

其二

浩浩長河水九折東北流晨夜赴滄海海流亦何抽  
遠適萬里道歸來未有由臨河累一作竟太息五內懷傷憂

聞鷄

戚戚懷不樂無以釋勞勤兄弟遊戲場命駕迎衆賓  
二

部分曹伍羣鷄煥以陳雙距解長綵飛踊超敵倫芥羽  
張金距連戰何續紛從朝至日夕勝負尚未分專場驅  
衆敵剛捷逸等羣四坐同休贊賓主懷悅欣博奕非  
不樂此戲世所珍

漢魏六朝百三家集卷三十二

欽定四庫全書

漢魏六朝百三家集卷三十三

魏應璩集

目錄

牋

與武帝薦賁琳牋

薦和模牋

與曹公牋

與曹昭伯牋

與劉靖牋

書

與滿炳書

與侍郎曹長思書

與廣川長岑文瑜書

與西陽令孔德琰書

與從弟君苗君胄書

與劉公幹書

與韋仲將書

與董仲連書

與尚書諸郎書

又與尚書諸郎書

答韓文憲書

與許子俊書

又與許子俊書

報東海相梁季然書

與陰夏書

與陰中夏書

與程文信書

與梁州刺史劉文爽書

與劉文達書

與夏侯孝智書

與洛陽令杜偉忠書

與王子雍書

與母丘仲恭書

與龐惠恭書

報燕中尉樊彥皇書

報平陸長賁偉伯書

與崔瑗書

與人書

與趙叔潛書



書

與王將軍書

與劉孔才書

書

海錄碎事

詩

百一詩三首

雜詩三首

三叟

又百一詩一名新名

又

又

又

又

遺句

漢魏六朝百三家集卷三十三目錄

欽定四庫全書

漢魏六朝百三家集卷三十三

明 張溥 輯

魏應璩集

牋

與武帝薦賁琳牋

璩聞景雲浮則應龍翔治道明則雋義臻是故良哉之歌興於唐堯之世多士之頌形於周文之朝竊見太子

舍人賁琳字瑋伯稟性純和體素清闕宜授以千里之  
塗任以列曹之職

薦和模牋

璩聞唐堯因羣士以興治齊桓假衆能以定業是故八  
元進則太平之化成六賢用則九合之功立竊見同郡  
和模字慮則質性純粹體度貞正履仁蹈義動循軌禮  
方今海內企踵欣慕捉髮之德山林投褐思望旌弓之  
招實英奇叙用之時賢達進致之良秋也今夜光之璧

顯價於和氏之肆千里之足定功於伯樂之庭庶有以  
宣明大道光並時化

與曹公牋

昔漢光武與戴子高有撫塵之好

與曹昭伯牋

曹爽

空城寥廓所聞者悲風所見者烏雀昔陳司空為邑宰  
所在幽閒獨坐愁思幸賴游蟻以娛其意以今況之知  
不虛矣損書及遠若從雲墜

與劉靖牋

靖沛國相人歷大司農衛尉靖馥子御覽

云馥字子靖璩書與子靖悵靖時由尚書出

為河南尹璩為散

騎常侍與靖書

入作納言出臨京任富民之術日引月長藩落高峻絕  
穿窬之心五種別出遠水火之災農器必具無失時之  
闕蠶麥有苦備之用無雨濕之虞封符指期無流連之  
吏鰥寡孤獨蒙廩振之實加之以明適幽微重之以秉  
憲不撓有司供承王命百里垂拱仰辨雖昔趙張三王

之治未足以方也

書

與滿炳書

炳字公琰為別部司馬見賈弼之山公注  
炳前曰曾過璩至明日欲遣書謝值炳又使  
人來召璩璩別事不得往故為報炳  
父寵為太尉璩嘗事之故呼曰郎君

昨者不遺猥見照臨雖昔侯生納顧於夷門毛公受眷  
於逆旅無以過也外嘉郎君謙下之德內幸頑才見誠  
知已歡欣踴躍情有無量是以奔騁御僕宣命周求陽



畫喻於詹何揚倩說於范武故使鮮魚出於

一作自潛淵

芳旨發自幽巷繁俎綺錯羽爵蜚騰牙曠高徽義渠哀  
激當此之時仲孺不辭同產之服孟公不顧尚書之期  
徒恨宴樂始酣白日傾夕驪駒就駕意不宣展追惟耿  
介迄於明發適欲遣書會承來命知諸君子復有漳渠  
之會夫漳渠西有伯陽之館北有曠野之望高樹翳朝  
雲文禽蔽綠水沙場夷敞清風肅穆是京臺之樂也得  
無流而不反乎適有事務須自經營不獲侍坐良增邑

邑因白不悉璩白

與侍郎曹長思書

選注云長思書傳所不載

璩白足下去後甚相思想叔田有無人之歌闐闐有  
匪存之思風人之作豈虛也哉王肅以宿德顯授何曾  
以後進見拔皆鷹揚虎眈有萬里之望薄援助者不能  
追叅於高妙復歛翼於故枝塊然獨處有離羣之志汲  
黯樂在郎署何武耻為宰相千載揆之知其有由也德  
非陳平門無結駟之跡學非揚雄堂無好事之客才劣

仲舒無下帷之思家貧孟公無置酒之樂悲風起於閨

闌

一作闌

紅塵蔽於几榻幸有袁生時步玉趾樵蘇不爨

清談而已有似周黨之過閔子夫皮朽者毛落川涸者  
魚逝春生者繁華秋榮者零悴自然之數豈有恨哉聊  
與大弟陳其苦懷耳想還在近故不並言璩白

與廣川長岑文瑜書

文瑜因時旱祈雨  
不能得璩書戲之

璩白頃者炎旱日更增甚沙磧銷鑠草木焦卷處涼臺  
而有鬱蒸之煩浴寒水而有灼爛之慘宇宙雖廣無陰

以憇雲漢之詩何以過此土龍矯首於玄寺泥人鶴立  
於闕里修之歷旬靜無徵效明勸教之術非致雨之備  
也知恤下民躬自暴露拜起靈壇勤亦至矣昔夏禹之  
解陽盱一作盱殷湯之禱桑林言未發而水旋流辭未卒  
而澤滂沛今者雲重一作既積而復散雨垂落而復收得  
無聖賢殊品優劣異姿割鬚宜及膚翦爪宜侵肌乎周  
征殷而年豐衛伐邢而致雨善否之應甚於影響未可  
以為不然也想雅思所未及謹書起予應璩白

與西陽令孔德琰書

嘉麥禎祥惟日未久不圖飛蝗一旦至止知恤蒸庶念  
存良苗親發赫斯爰整其旅鮐背之叟皓首之叟莫不  
負戈奔走於道路旌表曜於白日電鼉震於雷動以此  
掃敵必將席卷况於微蟲能無驚駭卓茂治密恭在中  
牟時雖有災未若斯勤亦猶子賤鳴琴巫馬出入勞逸  
有殊立功惟一重雲北興不降靈雨麗此二災憂心忡  
忡逐蝗之道謹聞教矣不審致禳將以何物文王修德

以厭地震湯禱桑林致克豐雨宜修善政以慰民望

與從弟君苗君胄書

璩欲歸田故  
報二從弟

璩報間者北游喜歡無量登芒濟河曠若發蒙風伯埽  
涂雨師灑道按轡清路周望山野亦既至止酌彼春酒  
接武茅茨涼過大夏扶一作膚寸肴脩味踰方丈逍遙陂塘

之上吟詠苑柳之下結春芳以崇佩折若華以翳日弋  
下高雲之鳥餌出深淵之魚蒲且讚善便嬖稱妙何其  
樂哉雖仲尼忘味於虞韶楚人流遁於京臺無以過也

班嗣之書信不虛矣來還京都塊然獨處營宅濱洛困  
於囂塵思樂汶上每發於寤寐昔伊尹輟耕郢惲投竿  
思致君於有虞濟蒸人於塗炭而吾方欲秉耒耜於山  
陽沈鉤一作鉤縉於丹水知其不如古人遠矣然山父不

貪天下

一作地

之樂曾參不慕晉楚之富亦其志也前者

邑人念弟無已欲令州郡崇禮官師

一作師官

授邑誠美意

也歷觀前後來入軍府至有皓首猶未遇也徒有飢寒  
駿奔之勞俟河之清人壽幾何且宦無金張之援游無

子孟之資而圖富貴之榮望殊意之寵是隴西之游越  
人之射耳幸賴先君之靈免負擔之勤追蹤丈人畜鷄  
種黍潛精墳籍立身揚名斯為可矣無惑

一作或

游言以

增邑邑郊牧之田宜以為意廣開土宇吾將老焉劉杜  
二生想數往來朱明之期已復至矣相見在近不復為

言

一作書

慎夏

疑作或夏

自愛璩報

一作白

### 與劉公幹書

鷄鷄棲翔鳳之條鼉鼉游昇龍之淵識真者所為憤結



也

與韋仲將書

韋誕

夫以原憲懸磬之居而值皇天無已之雨室宇漸而作  
漏堂館洽而為泥薪芻既盡舊穀亦傾

一作穀  
亦傾匱

屠藪發

撤機榆見謀進無顏子不改之志退無揚雄晏然之情  
是以懷感良不可堪人非神仙須仰衣食方今體寒心  
飢憂在旦夕而欲東希許昌治生之物西望陵縣厨食  
之祿誠恐將為牛蹄中魚卒鮑氏之肆矣

與董仲連書

魏尚書

穀糴驚踴告求周伶

一作鄰

日獲

一作給

數升

一作斗

猶復無

薪可以熟之雖孟軻困於梁宋宣尼飢

一作困

於陳蔡無

以過此夫挾管晏之智者不有廝役之勞懷陶朱之慮者不居貧賤之地出蒙譏於恤護入見謫於嬪息忽便邑憤不知處世之為樂也

與尚書諸郎書

夫秋節涼和霽雨清閒正高會之盛時飲宴之良日也

而陋巷之居無高密之宇壁立之室無旬朔之資流潦  
浸於北堂隙漏霑於衣服藁蒸單竭僮石傾罄中饋告  
乏役者莫興飯玉炊桂猶尚優泰雖欣皇天之降潤亮  
水車之思雨私懷感額良不可言想諸夫子亦斯困也  
夫否泰潛升蓋由昏明二三執事以龍虎之姿遭風雲  
之會方將飛騰閭闔振翼紫微運籌帷幄顯揚豐積  
豈久沈滯於下職契濶於貧悴哉

又

檀氏園葵菜繁茂諸蔗瓜芋亦離離尚萌未知三生復何種植

荅韓文憲書

昔公孫弘皓首入學顏涿鄉十五始涉師門朝聞夕殞聖人所貴足下之年甫在不惑加以學藝何晚之有若能上追南榮忘食之樂下踵寧子黑夜之勤窮文盡義無微不綜規富貴之榮取金紫之爵是夏侯勝拾芥之謂也

與許子俊書

足下以方剛之盛年應不羈之勁勇將發虓虎之威致  
霜雪之誅擒吳梟蜀定功萬里而劉備不下山孫權不  
出水武力不奮猛氣畜勇其毒如何

又

前別倉卒情意不悉追懷萬恨

報東海相梁李然書

足下頓彌天之網收萬仞之魚罟之以谿谷數之以陔

兆何其壯乎觀夫任公子之所釣此為鱖蝦未足為君

一作子道之

與陰夏書

從田來見南野之中有徒步之士怪而問之乃知郎君  
頓有微疴告祠社神將以祈福聞之悵然以增歎息虛  
社高樹能有靈應哉

與陰中夏書

此與前  
疑一人

體正者則檢於人質弱者則陋於衆

與程文信書

是以忽此蘇子帶郭之業求彼孫叔寢丘之地故求遠田在關之西南臨洛水北據邙山託崇岫以為宅因茂

林以為蔭

謝靈運山居賦注 靈運山居賦云昔仲長願言流水高山應璩作書即阜洛川今宋書

謝賦注無是以二句

與梁州刺史劉文爽書

足下內挹叔夷之清節外播二南之惠政德教加於百

姓要道過於侏國之卿也

北堂書鈔末句有誤一作劉文爽與應璩書

與劉文達書

僕頃倦遊談之事欲修無為之術不能與足下齊鑣轡爭千里之表也

與夏侯孝智書

遭值有道之世免致貧賤之患援鑒自照髣已半白殊可懼也

與洛陽令杜偉忠書

羊寄虎穴鵲托鷹巢心懷怵惕豈其任哉



與王子雍書

卿校之從有職之事足下著書不起草占授數萬言言不改定事合古典莫不歎息之矣

與母丘仲恭書

客館不留賓官曹無停事

與龐惠恭書

頃見所上利民之術植濟南之榆栽漢中之漆

報燕中尉樊彥皇書

擘袪登輿北踐燕路當方化銀龜以為黃髮青組以為紫

報平陸長賁瑋伯書

從此辭矣何敢復飛蟬於惠文鳴玉於縞組哉

與崔援書

今本作盧璩  
與崔元書誤

豈有亂首抗巾以入都城衣不在體而以適人乎昔戴叔鷹箕坐見邊文禮此皆衰世之慢行也

與人書

知楊生翻然遂登納言雖有所越亦其宜也傳說棄版  
築而為殷相呂望投竿而為周師卓茂起閭里而為漢  
宰若此翁者乃奇才耳瑣瑣尚書執憲之吏曷以為異  
哉

與趙叔潛書

入侍華幄出典禁闈

書

左執屋盧之勁矛右秉干將之雄戟高冠拂雲長劍耿

介簫管振音厥聲載路馮軾虎視清風震疊可謂堂堂

乎難與竝為仁也

太平御覽  
未否為書

與王將軍書

闕文  
附錄

雀鼠雖微猶知微烈

與劉孔才書

聽廣陵之清散

海錄碎事引璩書

清猿與壺人爭旦

詩

百一詩三首

野客叢書云石林詩話梁鍾嶸論淵明出於應璩應璩詩不多見惟文選載其百一詩一篇所謂下流不可處君子慎厥初與陶詩不類五臣注引文章錄云曹興多違法應璩作詩以刺在位若百分有補於一者雜體詩集百一詩凡五首不止一篇所謂百一云者又不止文章錄一說凡有數說張方賢楚國先賢傳云應休璉作百一詩譏切時事偏以示在位者咸皆怪愕以為應璩棄之何晏獨無怪也李克翰林論曰應休璉作五言詩百數十篇有詩人之旨孫盛晉陽秋云應璩作詩百三十篇言時事頗有補益七志云應璩謂

之新詩以百言為一篇謂之百一詩樂府廣  
題云百者數之終一者數之始士有百行終  
始如一故云百一應璩為曹爽大將軍長史  
前後為詩百餘篇以諷爽採以習俗之言傳  
會其意名曰百一爽卒不悟以及於禍百一  
詩序云時謂曹爽曰公今聞周公巍巍之稱  
安知百慮有一失乎文章錄云曹爽多違法  
璩為是詩以諷焉意者以為百分有一補於  
時政唐藝文志應璩有百一詩八卷丹陽集  
云應璩作百一詩譏切時事編以示任事者  
皆恠愕以為應焚弃之及觀文選所載百一  
篇畧不及時事何耶又觀郭茂倩載百一詩  
五篇首篇言馬子侯解音律而以陌上桑為  
鳳將雛二篇傷霸桑二老無以葬妻子而已  
無宣孟之德可以調其急三篇言老人自知  
桑榆之景斗酒自勞不肯為子孫積財末篇

即文選所載第四篇似風諫所為苟欲娛耳目快心樂腹賜我躬不悅歡安能慮死亡此豈非所謂應焚弃之詩乎後何遜亦有擬百一體所謂靈輒困桑下於陵拾李蠟其詩一百十字恐出於或者之說然璩詩每篇字數各不同第不過四十字爾

下流不可處君子慎厥初名高不宿著易用受侵誣前者黎官去有人適我閭田家無所有酌醴焚枯魚問我何功德三入承明廬所占於此土是謂仁智居文章不經國筐篋無尺書用等稱才學往往見歎譽避席晚自陳賤子實空虛宋人遇周客慙媿靡所如

其二

室廣以下  
疑別一首

年命在桑榆東嶽與我期長短有常會遲速不得辭  
斗酒多為樂無為待來茲室廣致凝陰臺高來積陽奈何  
季世人侈靡在宮牆飾巧無窮極土木被朱光徵求傾  
四海雅意猶未康

其三

子弟可不慎慎在選師友師友必長德中才可進誘

雜詩三首

廣文選作應璩今  
依藝文作應璩



細微可不慎隄潰自蟻穴腠理早從事安復勞鍼石哲  
人覩未形愚夫闇明白曲突不見賓焦爛為上客思願  
獻良規江海倘不逆狂言猶寡善猶有如雞跖雞跖食  
不已齊王為肥澤

穴一作隙  
跖一作肋

其二

散騎常師友朋夕進規獻侍中主喉舌萬機無不亂尚  
書統庶事官人乘法憲彤管弭納言貂璫表武弁出入  
承明廬車服一何煥三寺齊榮秩百僚所瞻願

其三

少壯面目澤長老顏色麤  
麤醜人所惡拔白自洗蘇

三叟

古有行道人陌上見三叟  
年各百餘歲相與鋤禾莠  
佳車問三叟何以得此壽  
上叟前致辭內中嫗貌醜  
中叟前致辭量腹節所受  
下叟前致辭夜臥不覆首  
要哉三

叟言所以能長久

古一作昔內  
中一作室內

百一詩

一名新

漢末桓帝時郎有馬子侯自謂識音律請客鳴笙竽為

作陌上桑反言鳳將雛左右偽稱善亦復自搖頭

馬子侯為

人頗癡自謂曉音律黃門樂人更往嗤謂子侯不知名陌上桑反言鳳將雛輒搖頭欣喜多賜左右錢帛無復慙色

又

郡國募將士馳騁習弓戟雖妙未更事難用應卒迫

又

人材不能備各有偏短長稱可小入中便辟必知芒

又

秋日苦作短晷夜邈綿綿貧士感此時慷慨不能眠

又


苟欲娛耳目快心樂腹腸我躬不悅歡安能慮死亡

遺句

貞偽各有分駑驥不齊鑣  
竈下炊牛矢甑中裝豆飧  
醉酒巾幘落頂禿赤如狐  
革帶繩為績履舄穿無底  
嵐山寒折骨面目盡生瘡  
豐隆窮美味獨食有

何甘 有酒流如川有肴積如岑

此二句亦作應  
璩侍公晏詩



漢魏六朝百三家集卷三十三